



BOSNA I HERCEGOVI NA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK



Tel: 032 650 022 [www.opcina-tesanj.ba](http://www.opcina-tesanj.ba)  
Fax: 032 650 220 E-mail: [optesanj@bih.net.ba](mailto:optesanj@bih.net.ba)  
[fuad.sisic@opcina-tesanj.ba](mailto:fuad.sisic@opcina-tesanj.ba)

Trg Alije Izetbegovića 11,  
74260 Tešanj

Broj: 03-38-5-1111/11.  
Datum: 31.03.2011.godine

**PREDMET:** Obavještenje studentima i budućim studentima, dostavlja se.-

Poštovani studenti,

Vjerujemo da ste prepoznali napore koje Općina poduzima kako bi vaša populacija imala bolje uslove za školovanje. Tokom prethodne tri godine najozbiljnije smo radili na ostvarenju cilja „stipendije svima“ .

Istovremeno trebate biti svjesni da općina Tešanj ima niz drugih potreba i niz drugih poteškoća u svom razvoju. Te potrebe, planove i ciljeve koje želimo ostvariti, definisali smo kroz strateške dokumente. Vi nam značajno možete pomoći u realizaciji Strategije podrške mladima 2010-2015. Jedan od problema koji je prepoznat kroz izradu ove strategije jeste društveni angažman mladih i njihova spremnost na uključanje u društvene tokove. Zbog toga vas pozivamo na vaše uključanje i društveni angažman. Naša zajednica treba vaš angažman u različitim vidovima, vašu uključenost u rješavanje problema zajednice, kroz mjesne zajednice, udruženja građana, neformalne skupine, volonterstvo u različitim oblicima i sl.

Da bismo dodatno podstakli vaše uključanje i društveni angažman odlučili smo da kod slijedećeg javnog poziva/konkursa za dodjelu stipendija tražimo dokaze o vašem društvenom angažmanu i volonterskom radu. Ovo će biti jedan od kriterija u bodovanju i pravljenu rang liste. Detaljnije objašnjenje o načinu dokazivanja društvenog angažmana pružit ćemo vam prilikom raspisivanja novog konkursa za stipendije.

Do tada vas pozivamo da učinite slijedeće:

- Odaberite svoje interesno područje (kultura, ekologija, sport, socijalna zaštita...)
- Odaberite organizaciju u kojoj ćete ostvariti angažman (udruženja građana, mjesne zajednice, projekti neformalnih grupa...).
- Odaberite način vašeg učešća (vođa projekta, učesnik u nekom projektu, pomažući član, volonter u određenim društvenim aktivnostima i sl.) i učestvujte u konkretnim aktivnostima. Nije nužno niti se isključivo očekuje volonterski rad u fizičkim poslovima. Učešće u pomoći starim i iznemoglim, edukacija i podučavanje, izložbe, javni sadržaji i sl.; prihvatljivi su oblici angažmana.

Shodno potrebama, zainteresovani se mogu javiti i u Općinu radi usmjeravanja i podrške društvenom angažmanu.

**OPĆINSKI NAČELNIK**

**Fuad Šišić, dipl.ing.maš**

**DOSTAVLJENO:**

1. Mediji
2. Općinska web stranica
3. Oglasne ploče općine i srednjih škola
4. Udruženja građana
5. a/a